

مجموعه آوازه‌ها

۱۸ نهمی سنه

۱۵ محرم ۱۳۱۵

جزوه عدد : ۶۲



بيوك فره دريغه منسوب ملاحظات عسكريه

[مابعد عن جزؤ ٦١]

حرکات سفر يه لرنده وقوعه گوردکاري خطالري ^{تصحیح} همت ايتيانلر، دائماً او خطالرك هدف سيئاتي اولورلر . چونکه دشمن يک فنا بر مصاحبدر . چونکه مداهنه ايتمدکن بشقه، قارشوسنده کينک خطالرينه شدتله مجازاة ايدر . صاحب خطا . استر قرال، استر ايمپراطور اولسون آنجه فرقي يوقدر . [علوم وصنایعک فائده سی ١٧٧٢]

* « بن محالی ممکن قبله جفم » سوزی، هرلوازم رينسنک قیوسی اوزرنده آلتون ورقله یازلمش بولملی در . [کنذا]

* محاربته موفقیات متوالیه بعضاً مغلوبیتدن دهه تهلکه لیدر . چونکه موفق اولان فوق العاده بر امنیت طالديغی گبی، تماميله مغلوب اولمیان حالت یأس ایله بر جرأت شدید پیدا ایدر . دنیانک الک بیوک جنرالی اوآدم اولورکه، طالعک هر نوع مساعداتنده فکرنی برحاله بولندیرر و غیرت واحتیاطدن اصلاً ایرلمز . [کنذا]

* محاربه ده دسایس، اکثریا قوتدن زیاده ایشه یرار . تأثیر وحکمنی ازاله ایتماک ایچون آنی کؤتله استعمال ایتماک واک مهم وقت فرصتده آکبا مراجعت ایتماک لازمدر . دشمنه ایصال اولنان اخبار وحوادث، دشمنی نمون ایده جک اولورسه ابو یسلی درکه کندوسنی بردام دسیسه به اوغراتمق آسان اوله جقدز . [کنذا]

* براردونک بناسنی قورمق ایچون دائماً تلی بطن اولدیغنی خاطر دن چیقارمامق، گرکدر . [کنذا]

مخاربهده فقدان ذخایر يك فنا بر علامتدر .

[سدا]

*

مواقع مستحکمہ میں مدافعہ ایدن شی . اکثریا استحکاماتک متاتی دگل ، بلکہ او
موقعہ قوماندہ ایدنک درایت وغیرتی در .

[سدا]

*

عدم امنیت ، تأمین موفقیتی والدہسی در . بناءً علیہ بر جنرال دشمنی ہیج بر
وقت حقیر گور میوب دائماً خصمک حرکاتہ عطف نظر دقت ایتمی درکہ ، اجرا ایدہ
جکی حرکات حربیہده خصمک حرکاتی کندوسنہ (بوصلہ) مقامندہ بولنسون .

[سدا]

*

مخاربهده الك اوفاق بر خطا بیسلہ مجازاتسز قالمز . چونکہ دشمن ہیج بر وقت
عفو ایتمز .

[سدا]

*

بر حربک موفقیتی اکثریا قوماندانک مهارتہ و احراز ایستدگی موقعلر حقندہ کی
معلوماتہ و اراضیدن استفادہ امرندہ کوستردیگی ملکیکہ تابع بولنور .

[مخاربهدهفتسالہ]

*

بر اردوگاہ البسه کی در آگا مالک اولان ایچون نہ کنیش ، نعدہ طار اولمی در .

[سدا]

*

ویریلان حکم اولیہ اولمی درکہ تطبیقی فالغہ خدمت ایتمسون .

[سدا]

*

ایو مدافعہ اولتان بر موقعہ تعرض ، هضمی مشکل بر لقمہدر .

[سدا]

*

مخاربهده طالعه الك از حوالہ آموز ایدن کیسه الك زیادہ صاحب مهارتدر .

[سدا]

*

مواقع مستحکمہ بر زمان ایچون دگل ، هر زمان ایچون انشا اولنور .

[سدا]

*

اراضی میں استکشاف و تدفیق غایت مهم بر ایشدر . چونکہ تشبہات حربیہ و
بناءً علیہ طالع حکومت ، احوال اراضی یہ تابعدر .

[سدا]

*

بر مخاربهده عسکرک کثرتندن زیادہ قوماندانک اقتدار و معلوماتی ایش گورر .

[سدا]

*

بروسیالیر، مدافعہ دن زیادہ تعارضہ الویرشلیدر .

براردونک قوماندانی مقتدر اولدینی حالہ کثرتی عسکردن زیادہ ایش گورر .

برضابط نہ قدر احتیاطی طاورانسہ کندوسنی دشمنک باصقیندن تمامیلہ مأمون بولندیرہمز .

زماغزده یونانیلرلہ رومالیلرک عاداتسہ اتباع جائز دگلدیر . بارونک کشفی اصول محاربہنی بسبتون تحویل ایتمش اولدیغندن الیوم مظفریق تأمین ایدن شی آتشک تقویٰ در .

[یونانارکک ظهورندن برو مظفریاتی تأمین ایدن شی حرکات سوق الجیشیہ دمکی سرعتدر . صادوآ محاربہ سندن برو حرکت نہ قدر سریع اولورسہ نتیجہ سیدہ او نسبتدہ سرعتی ظهور ایدر - قاعدہ سی (تأمین غالبیت، حرکات ایله آتشک سرعتنہ منوطدر) - قویله تصحیح اولغشدر . للطابع]

اختراعات جدیدہ فن حربی بر درجہ لودہ تغیر ایتمشدرکہ، بر قوماندان ، قونده توردنی ومارشال لوکسنبورغی تقلیداً آنلرک اجرا ایستدیگی تربیات ایله حربہ گیریشہ جک اولسہ . یک بیوک برجسارت وخطادہ بولنمش اولور . چونکہ او زمانکی مظفریشلرک مستحصلی قوت وجسارت ایدی . شمدی ایسہ محاربہ یہ طویلر حکمفرما اولدیغندن، بر قوماندانک کافیہ مهارتی معیتندہ کی عسکری اتلاف ایستدیر مکسزین دشمنہ تقریب ایتمکدن عبارتدر .

[فرہدیرک بوقولی مختراعانک هرکون آلفدہ اولدینی برطور ترقی ایله آن بان تشید ایشور . ایکنہ لی تفشکر صادوآ محاربہ سنی، قروپ طویلری فرانسه محاربہ سنی نتیجہ لندیرمش ایدی . او تاریخدن برو تفشکرلہ طویلرہ اجرا اولنان استکمالات و بالخصوص دومانسز باروک ظهوری حربی برماکنہ حالنہ قویغشدر . قوتلری مساوی اولان مقامینندن هر هانکیسی طویلہ تفشکدہ دہا زیادہ استکمالات اجرا ایش و بالخصوص دہا ماهر آتشیلر یشدیرمش ایسہ مظفریشک آکا یاور اولقلقی مقرردر . غیرت انتظامک و کثرت سرعتک بیری طوتہ - میہ جتی کبی، افواہ ناریہ دمکی شدت و تکلیف دہہ هیچ برخواس معنویہ ایله غلبہ ممکن نکدر . للطابع]

فن حربہ بر گونه تبدلہ اوغرامقسنزین باقی قالہ جق بر دستور وار ایسہ اودہ احوال اراضیدن استفادہ ایتمک خصوصی در .

یک چوق دفعہ بر تصادف محاربہ یہ نتیجہ قطعیہ ویرر .

[وولترہ مکتوب ۱۷۵۹]

هر یکم مظفریت استرسه آئی تعقیب ایتملی و شان ظفرک انشانه سی اولان دییم
شعشعه پاشی کیمک ایچون فدای جاندن چکناملی در . [ژوردانه مکتوب ۷ ایلول ۱۷۴۱]

*

بو صنعت صعوبت آلوده بر سبب ناچیز ایراث مضرت ایتمکله ائ مکمل تصویب
رائی عقیم براقه بیلور . [طالع حرب اوزرینه مکتوب ۷ کاتون ثانی ۱۷۶۰]

*

محاربیه ایدنلر باربار اولمدقدن صکره ، محاربات هیچ بر وقت مدینت ایچون
موجب تخریبات دگلدیر . [ژوردانه مکتوب ۱۷۴۳]

*

عادلانه و اساساً حقلی محاربیلر واردیر . مدافعه حقوق ایچون ایدییلان محاربه نئک
حقلی اولمسندن اصلاً اشتباه یوقدر . [وولتره مکتوب ۹ تشرین اول ۱۷۷۳]

*

ماهر بر جنرالی طوتمش اولدینی مواقعک کافه سندن توسکورتمک بک مشکل بر
تشبثدر . [کذا]

*

مهم بر حرکت اجرایی لازم گلدیگی صروده عسکرک آیاقلری یاش و یاقوری
اولوب اولدینی خاطره بیللر کلمز . [جبرال دوشمه توبه مکتوب ۱۷۴۵]

*

بنم حکومت داخلنده بر ملازمک قدر و قیمتی قرنامدن برینک قدر و قیمتدن
بیوکدر . [۱] [فونت دو قابزلینقه مکتوب ۲۴ تشرین اول ۱۷۸۱]

*

فن حرب ، وقوعاتی اولدن حساب و کشف ایتمک فی در . بیوک قوماندان
اولمق دخی وسائطک کافه سنی اولدن تدارک ایله تمام ایش باشنده شاشیر مامقدن
عبارتدر . [مارشال دو ساقسه مکتوب ۳ تشرین ثانی ۱۷۴۶]

*

انهای حربده تلف اولان دوستلرمزک ضیاعنه ایدییلان تأسف ، دشمنه قارشو
احراز ایدییلان مظفریتک نشئه سنی تعدیل ایچون جناب حقاقل خلق ایتمیگی بر
یاد زهردر . [وولتره مکتوب ۲۳ مایس ۱۷۴۱]

*

[۱] روسیه غراندوقلردن برینک شرفه برلین سراینده و بریلان بربالوده نسوان اکابرک
بالترجیح قرنا ایله رقص ایتمک برنی فرهدریق مشاهده ایتمکله بالاتزام دوشس و برنسلردن
برقاجنه تقریبه « خاتلم ! بنم کنج ضابطلرمله رقص ایدرسه کونی منتدار ایدرسکیز چونکه
بنم اصل مایخیلرم آنلردر » دیمشدر .

دیشی تمامیلہ اوبولدقندن صگرہ آئی چیقارتقمہ قرار ویرن کیسه ، حربہ نہایت ویرمک استدیگی زمان محاربه یه گیریشور . بوصورتله حرکت اولندیفی حالده قان دوکمک حقیقه آنک چوق دوکولمسنه مانع دیمک اولور . بو یولده ایدیلاں محاربه ، جلدیرمش اولان دشمندن قان آلقله عقلانی اعاده ایتمک حکمندهدر . [۱] [سدا ۸ حزیران ۱۷۴۲]

*

محاربات جسمینی موافق حقیقت اولهرق تصویر و حکایه و بر بیوک قوماندانک اساس حرکاتیلہ روح حرکاتی ایضاح ایدن کتابلر صنعت عسکریه داخل اولانلره وسائط تحصیلدن اولمق لازم کله جگی اعتقادندیم . بونلر بر علم تشریح معلنک هیکل تراشه ویردیگی درسلره مشاهدکه ، مثلا هانگی سکیرک حرکتی هانگی عضوی متأثر استدیگنه قدر ایضاح ایدر . کافه صنایعک امله سی واردر . وطنی مدافعه ایدن واقوام ودولی تهلکدن قورتاران فن حرب آنلره نهدن مالک بولنسون . [سدا ۲۲ شباط ۱۷۴۷]

*

جسارتک برقاچ نوعی واردر : برنجیسی طبیعت بشرده مرکوز اولان جسا . رتدرکه ، عادی نغده فوق العاده شایان تقدیر و تحسین بولنور . ایکنجیسی تفکر وملا . حفله ایله گلان جسارتدرکه ، ضابطه مناسب و آند بولنمی لازمدر . اوچنجیسی حب وطنک قلبه القا ایلدیگی جسارتدرکه ، هرایو وطنپورک آسکا مالک بولنمی فرضدر . دردنجیسی دخی شان ومفخرت تعصبندن حصوله کلمه جسارتدرکه ، اسکندر وقیصر وتمپور باش وقونده مثللو ذواتده مع زیاده کورولمشدر .

ایشته انسانلری تهلکده سوق ایدن حسیات مختلفه بولنلردر . تهلکدنک سو . یله جک و بگنیله جک برجهتی یوقسده انسان برکره مخاطره یولنه سالک اولدیمی آرتق تهلکدنک وجودینی اصلا خاطره گتوره مز . [وولقره مکتوب ۲۸ نیسان ۱۷۵۹] (مترجمی : یوسف طاهر)

[۱] یونانیلرک حای حرب ایله غلبانه گلان دماء مجنونانه لرینک اسالہ سی گویا که فرہ دردیق حضرتلرینک حقیقت قوانه بر برهان مؤخردر . للطابع